

CONVOCATORIA URXENTE PARA A SELECCIÓN DE ESTUDANTES DE CICLOS SUPERIORES PARA A SÚA PARTICIPACIÓN DENTRO DO PROGRAMA ERASMUS+

Primeira. Obxecto

O CIFP Ánxel Casal – Monte Alto, convoca o proceso selectivo para asignar unha bolsa dentro do Programa Erasmus+, destinada a estudantes de ciclos formativos de grado superior, para facer a FCT (Formación en Centros de Trabajo) no estranxeiro durante o primeiro ou segundo trimestre do curso 2016-2017.

O obxectivo da convocatoria extraordinaria é cubrir unha baixa dun alumno/a seleccionado/a.

Segunda. Requisitos para participar

1. Ser alumno/a do CIFP Ánxel Casal no curso 2015-2016.
2. Estar cursando un **ciclo superior** e ter previsto realizar a FCT no primeiro ou segundo trimestre do curso 2016-2017.

Terceira. Contía das bolsas

A contía destinada a financiar os gastos da mobilidade será unha cantidade fixa calculada sobre a base de importes establecidos polo Servizo Español para a Internacionalización da Educación (SEPIE). Esta axuda vai destinada a colaborar nos gastos de manutención, viaxes, aloxamento, empresa intermediaria (se fose preciso), seguros e demais gastos. É posible que o estudante teña que adiantar parte desta contía.

Cuarta. Información sobre as solicitudes

Os alumnos/as interesados/as en participar na convocatoria deberán presentarse o vindeiro **mércoles 25 de maio ás 19:00 na aula de animación ou o xoves 26 de maio ás 11:30 na aula 103**. Ese mesmo día, os candidatos cubrirán unha ficha cos seus datos persoais e entregarán:

- Unha copia do DNI
- Unha copia do seu certificado de estudos actualizado (que deberán solicitar na Secretaría do centro)
- A documentación acreditativa (Certificación OFICIAL) de coñecemento de idiomas que poidan aportar.

Se hai máis de un candidato/a, abrírase o proceso de selección tendo en conta os criterios de selección aprobados (Ver base sexta).

Quinta. Adxudicación das prazas e publicidade do proceso de selección

Unha vez feita a baremación das persoas participantes de acordo cos criterios de valoración aprobados, publicarase unha listaxe de seleccionados e unha listaxe de reserva.

A publicidade dos actos do proceso de selección, así como as comunicacións procedentes, realizaranse mediante a publicación no tablón de anuncios da entrada e na web do centro (<http://www.edu.xunta.es/centros/cifpanxelcasal/>).

Sexta. Criterios de selección

Para a selección dos participantes nas mobilidades establécense os seguintes criterios coa ponderación correspondente:

1) Expediente académico 35%

2) Nivel de idiomas 30%

Valoraranse os coñecementos dun idioma de traballo, mediante aportación da certificación correspondente.

Valoraranse coñecementos de inglés (como lingua habitual no entorno europeo), mediante aportación da certificación correspondente.

3) Grado de madurez e motivación 35%

O/a titor/a de FCT correspondente, elaborará un informe de cada candidato en colaboración con todos os profesores do alumno/a. De considerarse oportuno consultarase tamén ó departamento de orientación. En dito informe valorarase:

- ✦ Grao de madurez e autonomía.
- ✦ Nivel de responsabilidade.
- ✦ Motivación
- ✦ Capacidade de iniciativa e participación activa.
- ✦ Capacidade de organización, de relación e de traballo en equipo.
- ✦ Corrección na comunicación verbal e non verbal, e comportamento adecuado á situación.

En caso de empate, aplicaranse con carácter preferente e na mesma orde, os criterios anteriores, é dicir, a praza outorgaráselle en primeiro lugar ao/á participante con máis puntos no criterio 1). Se continuase o empate, no 2), e así sucesivamente ata aplicar, se fose necesario, os tres criterios establecidos nos puntos anteriores.

*****Excepción:***

No caso de que fora o propio participante quen buscou a empresa para a súa estada, terá preferencia absoluta, sempre e cando acade unha valoración positiva nos 3 criterios de selección. Si hai varios participantes na mesma situación desempatarían coa puntuación global obtida na valoración dos 3 criterios.

Sétima. Comisión de valoración

A Comisión de Valoración estará formada polo equipo docente dos ciclos que teñan alumnado participante (se fose preciso) e pola coordinadora de Programas Internacionais.

Oitava. Obrigas dos alumnos/as seleccionados/as

O/a alumno/a seleccionado que acepte a participación no programa terá que enviar á anterior dirección de correo electrónico: un compromiso de participación no programa, unha foto carnet, Fotocopia DNI, Curriculum Europass (en inglés) e certificación bancaria (con IBAN) para futuros pagos.

A participación no programa obriga a asistir a cantas reunións sexan convocadas pola Coordinación de Programas Internacionais.

O incumprimento destas obrigas implicará a exclusión do programa.

Novena. Normativa aplicable

En calquera caso, a participación neste programa estará suxeita, por norma xeral, aos criterios e bases establecidos na convocatoria de subvencións de proxectos de mobilidade Erasmus+, así como ao establecido nos convenios subscritos polo CIFP Ánxel Casal e o Consorcio da Consellería de Educación co Servicio Español para a Internacionalización da Educación (SEPIE). Ademais, o desenvolvemento das diferentes mobilidades quedará supeditada á concesión da subvención por parte do SEPIE.

A Coruña, a 24 de Maio de 2016

Cristina Vázquez
Coordinación de Programas Internacionais
CIFP Ánxel Casal – Monte Alto